

(14) RUNYANKOLE/RUKIGA LEAFLET ON THE SABBATH

ABASHEEMWE OMURI YESU

SABATO

SABATO N'EKIRO EKY'OMUTANO?

Kworaheze kushoma akatabo aka noza kumanya ebyokugarukamu aha bibuzo ebi:

2. Sabato nikiro ki?
3. Yesu akarinda Sabato nk'ekiro kikuru?
4. Abakristayo bashemereire kurinda Sabato?
5. Oburuhukiro obu Ruhanga yaganise abarikwikriza nubwo buha?

1. SABATO NIKIRO KI?

Okugarukamu kw'ekibuzo eki nikibaasa kututangaza. Sabato omu Baiburi ekaba etandika omumwabazyo gw'orwokatano kandi ehwa omwabazyo gw'orwamukaga. Oku nikwao Abayudaya babaire barinda Sabato. Ekiro kikaba kitandika omwirima gurikuzaho. Enshonga yeki nogishanga Omukutandiika 1:5. "Bwaira bwashesha kyaba ekiro ky'okubanza".

Sabato n'emirimo y'abantu ahakiro ekyo, ekabanza kuhandikwaho hahwireho emyaka 2500 Omukuruga 20:9,10 "Omubiro mukaaga obe nimwo wakorera emirimo yawe yoona, kwonka ekiro kya mushanju niyo Sabato ahari Mukama Ruhanga wawe. Otarikoreraho murimo gwawe gwona". Mukama yaha Sabato omugisha kandi yakyeza. Ebiro ebi abayudaya aba Otthodox nibarinda Sabato. Ahari abo, namunonga abahuku ekihumuro ekiki kikaba kiri aky'okutangaza bwanyima y'e biro mukaaga barikukora. Buri omwe akaba ahumura emirimo ahakiro ekyo, kuba eky'okuramya Ruhanga.

2. YESU AKARINDA SABATO NK'EKIRO KIKURU?

Hariho entaniso mpango ahagati yabebembezi babayudaya na Yesu ahakurinda Sabato waba nobagyeragyeranisa. Abebembezi bakaba bahamize kimwe aha Sabato nangwa bakozeza n'omukono gw'ekyoma ahari abo ababaire batakuhikiriza eby'okugirinda. Bakenda kukiza n'ekigyenderwa kya Ruhanga ahari Sabato. Yesu akaba aine ekiteekateeko ekyabaire kyahukaine ahakyabo. Akaba namanyisa kimwe amakuru ga Sabato. Abebembezi ekyabaire nikibakwataho munonga n'enyuguta y'ekiragiho; Yesu akafayo aha mwoyo gweiteka. Kuyakirize abashaija n'abakazi ahakiro kya Sabato abebembezi tibarakunzire. Nangwa baketombwita ngu omurema ou Yesu yakirize ngu akaba "nakora" aha Sabato. Ahakuba omurema ugu akekorera ekirago kye, kuyamazire kukizibwa. Bahakanisa eby'abeegi ba Yesu bacwa obushisha bakarya ahakiro kya Sabato.

Yesu kuyakirize aha Sabato, akareeba ngu akaba nahisa Ruhanga ekitinwa ahabw'omurimo ugu. Omuri eki Yesu nateekwa kuba yabaire ahikire, ahakuba akaija kukora ebi ishe arikwenda, kandi nikyo yakozire. Ruhanga akashemererwa okweta Yesu "Omwana wanywe omukundwa". Yesu akagamba ati "Sabato ekateebwaho ahabwabantu". Kikaba kiri ekiro ky'okuhumura n'okuramya n'okuhimbisa Ruhanga omubyarikwenda.

N'obu Yesu yakiza omukazi owabaire amazire emyaka 18 ainami (Luka 13:11-13) n'omushaija owabaire amazire emyaka 38 azingazingirwe (Yohaana 5:1-9), abebembezi baketombwita. Kwonka omukukora kwa Yesu, Sabato ekeyongyera amakuru. Yesu akaha okuhumura okukira okw'omubiri obuyagira ati, "Imwe mwena abaruhire nabaremereirwe, mwije aharinye mbaruhire...munyegyeraho.....naimwe muryatunga okuhumura omu mitima

yanyu. Ahakuba omugamba gwangye tigurikuremeera, n'omutwaro gwangye gwanguhi" (Matayo 11:28-30).

Yesu akaboreka omuhanda gurikubatwara omumagara agatahwoho.

Eky'okureeberaho kya Yesu nikituyamba okwetegyereza amakuru ha Sabato, Akakora emirimo y'Ishe ow'omu Iguru burikiro. Abakurasi be bashemereire kukora batyo. Okukora eki Ruhanga arikukunda obutosha nikiuru munonga, okukira okusiiba omumpaka yaba Sabato arindwa nk'ekiro kikuru.

3. ABAKRISTAYO BASHEMERIRE KURINDA SABATO.

Hariho enshonga nyingi ahabwenki abakristayo batashemereire kurinda Sabato nk'ekiro okukira ebindi biro.

- (a) Tihariho orunyiriri omundagaano ensya ahaturikugambirwa ngu abakristayo bashemereire kurinda ekiro kya Sabato.
- (b) Omubyakozirwe 15, abakuru babakristayo bakasharaho "Turekye kurusya abarikuruga omubanyamahanga kureeka barekye kweshisha, n'okuramya ebishushani, n'obushambani n'ebinigirwe, n'eshagama". Oku kukaba kuri okuhabura kurungi, ahakuba kikaba nikireta obusingye ahagati ya bakristayo abayudaya hamwe nabanyamahanga. Oyetegyereze ngu Sabato teragambirweho, omubi babaire nibenda ngu abakristayo abanyamahanga bakore.
- (c) Endagano ensya tihariho ahu erikugambira ngu abakristayo baryahwerekyerezibwa ahabw'okurinda Sabato.
- (d) Omukuruga 31:13-17 nikishobororwa ngu Sabato ekaba eri akamanyiso ahagati ya Ruhanga na Israeli. Tihariho aharikugamba ngu ekaba eri akamanyiso ahagati ya Ruhanga naba Kristayo.

(e) Abakristayo tibarikutegyekwa ebiragiyo bya Musa.

Paulo eki nakigamboho omu Bagalatia 3:24,25. "Nahabwekyo ebiragiyo bikatubeera omwegyesa w'okutuhitsya ahari Kristo ngu tubone kwihwaho orubanja ahabw'okwikiriza. Kwonka okwikiriza obu kwizire titwakiri mubutegyeki bw'omurezi".

Paulo natumanyisa ku hariho obusingye omuri Kristo ahari abo abarikumwikiriza. Omu mazima Paulo kikamuteza omutwe obu abakristayo abamwe bagarukire kugyendera omubiragiyo. Akabeeta "Abagalatia b'abashema" (Abagalatia 3:1).

Abakristayo baine obugabe okusharaho yaba barinda nari batarinda ekiro kya Sabato. Paulo nagira ati "Hatarigira omuntu owabacwera orubanja ahabweky'okurya nari eby'okuboneka kw'okwezi nari Sabato. Ebyo nekishushani ky'eibanja kwonka amazima gaabyo gari omuri Kristo" (Abakolosayi 2:16,17).

Yesu Kristo we wenka nuwe mazima. Ebigambo bye n'ebikorwa bye bishemereire kuhindura amagara gaitu. Ebiragiyo bikaba biri ebicuucu. Okuhakana yaba kihikire ninga tikihihire okurinda Sabato nkekiro kikuru nikuba kuri okuhakanira ekicuucu. Aha nituba twahaba. Okwetegyereza aha magara ga Yesu Kristo nikyo kikuru munonga.

Paulo netugambira ati "Omuntu omwe atekateeka ekiro kimwe kuba kukuru okukira ebindi, ondijjo atekateeka ebiro byona okwingana. Omuntu weena amanyire kimwe atarikubanganisa omumutima gwe". (Abarooma 14:5). Eki

nikimanyisa ku hatariho omukristayo nari ekibiina kyaba Kristayo abaine obushoborozi kuragira ahabandi okurinda Sabato.

Abayudaya bakaba barinda Sabato ahakuba Ruhanga akabaragira atyo. Abakristayo nibabasa kusharaho kugirinda, kwonka tikugira ngu nibateekwa kugirinda. Ruhanga takaragiraga abakristayo okurinda Sabato. Tushemereire kuhayo amaisho gaitu ahari Yesu Ksristo, okwegyesa kwe. Amagara ge, hamwe n'okuba ekitambo. Okurukututwara omukujunwa n'amagara agatahwaho. Abakristayo baine okukimaya ku buri kiro nekya Ruhanga. Ahakuba buri bwire n'obwa Ruhanga, tushemereire kutura omukumutina.

4. OBURUHUKIRO OBU RUHANGA YARAGANISE ABARIKWIKIRIZA NUBWO BUHA?

“Endagaano y'okutaaha omuburuhukiro bwe ekiriho Eri izooba kumuraahurire eiraka rye mutagangaaza emitima yanyu. Hakiriho Sabato y'okuhuumuriraho ebiikiirwa abantu ba Ruhanga”. (Abaheburayo 4:1-9). Okumanya Yesu nikitireetera oburuhukiro obw'omwoyo hati. Kwonka emigisha erikukiraho ekiri omumaisho. Eryabaho Yesu kwarugaruka omunsi. Aryazoora abafiire aha bakurasibe amagara agatahwaho. Aryaija nka “Omugabe wa bagabe kandi Mukama wa Bakama”. Obwire obwo buryaba obw'obusingye hamwe n'okushemererwa kuhango.

Baiburi obwire obu nibureeta “Obukama bwa Ruhanga”.

Obutumwa obwamani buryaba buti “Obukama bw'ensi bwahinduka bwa Mukama waitu, nobwa Kristo we, kandi aryaguma ahangoma ebiro n'ebiro” (Okushururwa 11:15).

Abo abarijunwa baryayamba Yesu okwegyesa obutumwa bw'okujunwa omu bantu b'ensi abakine emibiri etakahindwirwe. Kane kyomugisha! Twaramya Ruhanga nk'oku arikwenda, buri kiro kutari ahakiro kya Sabato kyonka, amagara agatahwaho garyaba agaitu Yesu kwarigaruka nk'omugabe. Ija, Mukama waitu Yesu.

Tumanyise waba noyenda kumanya ebirikuraho hamwe nenyikiriza zabaisheemwe omuri Kristo.
Buza abaisheemwe abakuri haihi nari handikira

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885,

MBARARA-UGANDA